

ՊԱՅՄԱՆԱԳՐԻ ՆՇԱՆԱԿՈՒԹՅՈՒՆԸ ՇՈՒԿԱՅԱԿԱՆ ՀԱՐԱԲԵՐՈՒԹՅՈՒՆՆԵՐՈՒՄ

Ն.Վ.ՀԱԿՈԲՅԱՆ

Հայաստանի Հանրապետության Հիմնական օրենքի առաջին հոդվածը հռչակում է. «Հայաստանի Հանրապետությունը ինքնիշխան, ժողովրդավարական, սոցիալական, իրավական պետություն է»¹: Բացառիկ և անփոխարինելի են պայմանագրի դերն ու նշանակությունը՝ որպես սոցիալական պետության կայացման, հասարակության կայուն ու համաչափ զարգացման հիմնական միջոց:

Պայմանագրի էական առանձնահատկությունն այն է, որ դրա շրջանակներում յուրաքանչյուր կողմի նպատակը կարող է իրականացվել միայն մյուս կողմի նպատակների իրագործման միջոցով: Կողմերը փոխադարձորեն շահագրգռված են, և ընդունելի է այն կարծիքը, որ պայմանագիրը կարող է ապահովել այնպիսի կարգ, կազմակերպվածություն ու կայունություն, որոնց չի կարելի հասնել ամենախիստ վարչաիրավական միջոցներով:

Պայմանագրերի միջոցով կողմերը կենսագործում են իրենց քաղաքացիական իրավունքները, բավարարում զանազան պահանջներ: Դրանց օգնությամբ քաղաքացիներն ընդունվում են աշխատանքի, սահմանազատվում են նրանց աշխատանքային պարտականությունները, որոշվում աշխատանքային պայմանները: Շուկայական հարաբերություններում այն բարձրացնում է աշխատանքի արտադրողականությունը և որակը, մեծացնում պատասխանատվությունը: Միայն պայմանագրերի շնորհիվ են առավելագույնս կոնկրետացվում ձեռնարկատիրական հարաբերությունների մեջ մտնող կողմերի իրավունքներն ու պարտականությունները, կոնկրետ անելիքները, հաշվի են առնվում նրանց անձնական հատկանիշները, մանրամասնվում և հստակեցվում փոխադարձ պարտավորությունների ու դրանց կատարման հետ կապված առանձնահատկությունները:

Պայմանագրերը հնարավոր են դարձնում նյութական բարիքների բաշխման համաչափությունը:

Պայմանագրի դերը հատկապես մեծացել է ԽՍՀՄ փլուզումից հետո: Բազմաթիվ ձեռնարկություններ, որոնց գոյությունը նախկինում պայմանավորված էր մեկը մյուսով, հիմա մնացել են տարբեր, ինքնուրույն պետությունների տարածքներում: Տնտեսական շահը և ժողովրդի բարեկեցությունը պահանջում են տվյալ ձեռնարկությունների միջև կապերի վերականգնում, որը հնարավոր չէ առանց պայմանագրի: Որպեսզի տնտեսվարող սուբյեկտն ինքնուրույն դուրս գա արտաքին շուկա, նույնպես պետք է դիմի պայմանագրի օգնությանը:

Մեծ նշանակություն ունեն հատկապես միջպետական, միջկառավարական պայմանագրերը, որոնք ապահովում են նաև հասարակության անվտանգությունը, անհատներին հավատ ներշնչում ապագայի հանդեպ, խթանում ձեռնարկատիրական գործունեությունը: Պետությունը, կարևորելով միջազգային պայմանագրերը, իր օրենքներով նախատեսված այլ նորմերի առկայության

¹ Հայաստանի Հանրապետության սահմանադրությունը, Ե., 1995, էջ 8:

ա/ որակական ածականով՝ թե՛ նախադաս և թե՛ հետադաս շարահյուսությամբ:

Կրկնվող նախադաս որոշիչն ունենում է ավելի հաճախ բացականչական, երբեմն էլ պատմողական երանգ. ինչպես՝ «... Ու կապո՛ւյտ, կապո՛ւյտ, կապո՛ւյտ երկընքից թափում է կարծես երգ ու խնդություն» /ԵԶՊ, 435/: «Միակ բժշկական մեթոդը, որ գոյություն ունեւր այդ հիւն, հիւն երկրում» /ՎԹ, 101/: Այստեղ կրկնված որոշիչներն ունեն նույն շարահյուսական կիրառությամբ որոշյալ (տեղի պարագա):

Կրկնյալ և կրկնորդ նախադաս որոշիչները հաճախ լրացնում են կոչականին՝ շնչոտելով նրա այս կամ այն հատկանիշը. ինչպես՝ «Նազում ես ու շորորում գմբուխս քո շորերում... Բո կանչը զնգում է զիլ իմ սրտի խոր ձորերում, իմ հեռո՛ւ, հեռո՛ւ, հեռո՛ւ Նաիրյան դալար բարդի» /ՀՍ, 1, 67/:

Երբ անհրաժեշտ է լինում ավելի ընդգծել կրկնվող որոշչի բառական նշանակությունը, կրկնորդ որոշիչը ստանում է տվյալ իմաստը սաստկացնող նշանակությամբ լրացում. օրինակ՝ «Փոքր, շատ փոքր քաղաք էր» /ՎՍ, 211/: «Այդ րոպին հանկարծ չգիտեմ ինձ ինչ պատահեց, միայն քիչ հետո զգացի, որ ամուր-ամուր սեղմում եմ նրա մեջքը ձեռքովս, դեմքս ծածկել եմ նրա կրծքի մեջ, և դառն, անտանելի դառն արտասուքները խեղդում են ինձ» /ՆԴ, 265/: Այստեղ շատ փոքր և անտանելի դառն ձևերը գերադրական աստիճանի յուրահատուկ դրսևորումներ են, ընդ որում՝ առաջինը ստորոգծելի /քաղաք/, իսկ երկրորդը ենթակալի /արտասուքներ/ որոշիչ լրացումներ են:

Նախադաս շարահյուսությամբ կրկնյալ և կրկնորդ որոշիչները երբեմն ունենում են տարբեր երանգ: Այսպես, օրինակ, կրկնյալը հանդես է գալիս բացականչական, իսկ կրկնորդը՝ պատմողական երանգով. ինչպես՝ «Է՛, անո՛ւշ, անուշ աշուն էր...» /ՄԳ, 24/:

Կրկնվող ածական որոշիչը հաճախ էլ հանդես է գալիս հետադաս շարահյուսությամբ՝ հատկանիշի կրկնության հետ նաև դրսևորելով խոսողի/զրոյի/ակտիվ գնահատողական կամ զգացական վերաբերմունքը: Այս դեպքում նա մեծ մասամբ լրացնում է ենթակային, ունենում է բացականչական կամ պատմողական երանգ և լրացյալից տրոհվում է. օրինակ՝ «Շքեղ մի դղյակ կար՝ բա՛րձր, բա՛րձր, արծվի թևերի վրա...» /ԱԻ, 3, 46/: «Հեռաստանները հացի-ոսկեգույն, ոսկեգույն, Դու նայեցիր, ժպտացիր իմ գունատ հոգուն» /ԵԶՊ, 257/: «Իջնում է նորից լուծվումը՝ ծանր, ծանր» /ՎԹ, 125/:

Երբ հետադաս կրկնյալ որոշիչը սկսվում է ձայնավորով, որոշյալը բնականաբար ստանում է որոշիչ հոդ, և տվյալ որոշյալն ու որոշիչը արտասանվում են առանց միջբառային արտասանական դադարի, որի հետևանքով կրկնվող որոշիչը չի տրոհվում իր որոշյալից. օրինակ՝ «Ա՛խ, ի՜նչ հեշտ են սարի վրա Սահում ժամերն անո՛ւշ, անո՛ւշ» /ՀԹ, 36/:

բ/ Թվականով: Թվական որոշչի կրկնությունը քիչ է հանդիպում: Ընդ որում հիմնականում կրկնվում է դասական թվականով արտահայտված որոշիչը՝ նախադաս և հետադաս շարահյուսությամբ. օրինակ՝ «Զեմ մոռանում քեզ, առաջին, առաջին իմ սեր»: «Թ՛, երգե՛ր իմ - Առաջի՛ն, Առաջի՛ն...» /ԵԶՊ, 128/: Նշենք որ, հաճախ թվական որոշիչ ունեցող միևնույն ենթական լրացուցիչ սաստկական իմաստային երանգով կրկնվում է այլ բառական արտահայտությամբ, և կրկնվում է նաև նրա որոշիչը. ինչպես՝ «Դու մի՛ ասիլ օխտը հսկա եղբայրներ

կան, օխտը ավագակապետ, էս տեղերը նրանցն են, իրենց ամբողջն էլ մոտիկ սարի գլխին է» /ՀԹ, 385/: Այստեղ եղբայրներ և ավագակապետ ենթակաները նույն գործող անձինք են ցույց տալիս, ուստի կրկնված օխտը թվական որոշիչը նախադասություն խորքային կառուցվածքում ունի միևնույն որոշյալը:

✓ գ/ Դերացուցներով: Կրկնյալ և կրկնորդ դերանուն որոշիչները հիմնականում լինում են նախադաս և կրում են տրամաբանական շեշտը: Նման կրկնություններ հանդես են գալիս ցուցական, հարցահարաբերական և անորոշ դերանունները. օրինակ՝ «... Եվ ինչքա՛ն, ինչքա՛ն թշվառներ մեռել են անողորմ ծեծի տակ» /ԱԻ, 3, 89/: «Այն ի՜նչ տենչեր են վեհ, ու անխորտակ ու խոր, Որ սերմանել եք դուք երկրներում օտար, Եվ ո՛ր, և ո՛ր, և ո՛ր նպատակի շողով Ձգտել եք կյանքը մեր անմխիթար Հանել փուռներին...» /ԵԶ, 470/:

Դերանուն որոշիչը հանգես է բերում կրկնվելու նաև մեկ այլ յուրահատկություն. երբեմն կրկնյալ որոշիչը գործածվում է որոշյալից առաջ, իսկ կրկնորդը՝ նրանից հետո, ընդ որում՝ մեկ այլ երանգով՝ վերաբերմունքային տարրն ավելի ընդգծելի դարձնելով. օրինակ՝ «Էրգրի ձմեռը ուրիշ ձմեռ էր, ուրիշ շ...» /ՄԳ, 20/:

դ/ Անկախ դերացուցներով: Դերբայով արտահայտված որոշիչը կրկնվում է հիմնականում նախադաս գործածություններ. ինչպես՝ «Ամբիր դու իմ ցաված Սիրտը սիրով քո անբիծ, - Այն մոռացվա՛ծ, մոռացվա՛ծ Հեքիաթները պատմիր ինձ» /ՎՏ, 135/:

Երբեմն գոյական որոշյալն ունենում է նախադաս մեկ այլ որոշիչ և հետադաս կրկնվող /մասնակի կրկնություն/ դերբայական որոշիչ լրացում. օրինակ՝ «Աղավնին չափազանց դարպասող թռչուն է՝ դյուքոդ ու դյուքվոդ» /ՎԹ, 149/:

ե/ Կապի ու կապի խնդրի կապակցությամբ. ինչպես՝ «Այդ ծառը սլացիկ էր՝ բարդու նման, բարդու նման»: Այստեղ կրկնված որոշիչը կարող է հանդես գալ նաև բարդու, բարդու նման ձևով:

զ/ Բառակապակցությամբ. ինչպես՝ «... Ողջ անառակ որդոց պարտքը պիտի տամ Բոլոր մոլոր, բոլոր մոլոր մայրերին» /ՀՇ, 3/:

Բ. Միևնույն բառական արտահայտությամբ որոշիչի գործածվելը տարբեր լրացյալների հետ: Արդի հայերենում շատ հաճախ նախադասություն տարբեր անդամներ ստանում են նույն բառական արտահայտությամբ որոշիչ լրացում: Սա որոշիչի յուրահատուկ կրկնություն է՝ տարբեր առարկաների նույն հատկանիշն արտահայտելու նպատակով: Ինչ վերաբերում է այդ որոշիչների լրացյալներին, ապա դրանք կարող են ունենալ շարահյուսական նույն կամ տարբեր կիրառություններ: Եվ դրան համապատասխան էլ որոշիչի նման կրկնություններ նախադասությունները բաժանվում են երկու խմբի՝ ա/ համասեռ որոշյալներով նախադասություններ և բ/ անհամասեռ որոշյալներով նախադասություններ: Առաջին դեպքում կրկնյալ և կրկնորդ որոշիչներն ունենում են շարահյուսական նույն, իսկ երկրորդ դեպքում՝ տարբեր կիրառությամբ լրացյալներ: Այսպես՝ «Այդ ձին ծնվել էր այդ գավակով, այդ բեռնով, այդ գլխով ու այդ գուլնով» /ՀՄ, 204/: «Արևը բարձրացավ, և որքան բարձրանում էր նա, այնքան նրա պայծառ լուսավորության ներքո երևան էին գալիս ահարկու բանակի ահարկու տեսարանները» /Բ, 454-455/: Առաջին նախադասություն մեջ այդ դերանվամբ արտահայտված որոշիչը կրկնվել է բազմակի սահմանափակման խնդիրների

/գավակով, բեռնով, գլխով, գույնով/ հետ գործածվելով, իսկ երկրորդ նախադասության մեջ ահարկու ածականով արտահայտված որոշիչներից մեկը լրացնում է բանակի հատկացուցչին, մյուսը՝ տեսարանները ենթակային: Հետևաբար նույն բառական արտահայտությամբ որոշիչներն առաջին նախադասության մեջ ունեն համասեռ, իսկ երկրորդ նախադասության մեջ՝ անհամասեռ որոշյալներ:

Երբեմն էլ միևնույն նախադասության մեջ երկուսից ավել անգամ կրկնվելու դեպքում որոշիչը կարող է ունենալ միաթամանակ և՛ համասեռ, և՛ անհամասեռ որոշյալներ. օրինակ՝ «Հիմա ելնում են ահա իմ դեմ Այն տարիները, արդեն անցած, եվ այն դեմքերը, որ հրեղեն Տարիներում այն հերոսացան» /ԵԶՊ, 157/: Այստեղ առաջին և երկրորդ այն որոշիչները լրացնում են բազմակի ենթականերին /տարիները, դեմքերը/, իսկ երրորդ այն որոշիչը՝ ժամանակի պարագային /տարիներում/:

Տարբերությւթ պատկեր է ներկայացնում տարբեր որոշյալներ ունեցող միևնույն բառական արտահայտությամբ որոշիչների արտահայտության պլանը: Միևնույն նախադասության մեջ կրկնվող նման որոշիչն արտահայտվում է.

1) Ավելի հաճախ՝ ածականով: Քանի որ ածականի հիմնական գործածությունը որոշյալին կիրառությունն է, ուստի միևնույն նախադասության մեջ տարբեր անդամների լրացնելու դերով ավելի շատ հանդես է գալիս ածականով արտահայտված որոշիչը: Ընդ որում՝ կրկնվող ածական որոշիչները լրացնում են տվյալ նախադասության մեջ թե՛ նույն և թե՛ տարբեր կիրառությամբ անդամների: Այլ կերպ ասած՝ կրկնվող ածական որոշիչներն ունենում են համասեռ և անհամասեռ լրացյալներ: Համասեռ լրացյալներով ածական որոշիչները մասնավորապես լրացնում են.

ա/ Բազմակի ենթականերին. ինչպես՝ «Մի անգգույշ խոսք, մի անգգույշ շարժում կարող էր մատնել նրան...» /Բ, 39/:

Բազմակի ենթակաները սովորաբար ցույց են տալիս միևնույն գործողությունը կատարող մեկից ավելի առարկաները: Երբեմն էլ դրանք միևնույն անձը կամ իրեն են ցույց տալիս, և այդ ենթակաների տարբեր գործող սուբյեկտներ մատնանշելը ձևական է. դրանք միևնույն անձի կամ իրի տարբեր բնութագրություն-անվանումներն են: Եվ այս պարագայում միևնույն ածական որոշիչը լրացնում է այդ նույն առերևույթ բազմակի ենթականերին: Օրինակ՝ «Ընկավ մեծ գեղարվեստագետը, մեծ քարոզիչը ու մեծ դժգոհը» /ՀԹ, 416/: Թումանյանն այսպես է բնութագրում Լև Տոլստոյին՝ մահվան կապակցությամբ: Ուրեմն ընդգծված բազմակի ենթակաները միևնույն գործող անձն են ցույց տալիս: Այդ է պատճառը, որ ստորոգյալն արտահայտված է եզակի թվով՝ իմաստով համաձայնելով միևնույն անձը ատնացույց անող բազմակի ենթականերին /քերականորեն առկա է անհամաձայնություն/: Բերենք նմանատիպ մեկ այլ օրինակ՝ «Ներքին կոիվը, ներքին պատերազմը ընդհանրականից դարձավ մասնավոր-ընտանեկան» /Բ, 523/:

բ/ Բարդ համադասական նախադասության բաղադրիչ նախադասությունների ենթականերին. ինչպես՝ «Սակայն վերջ ի վերջո հաղթվեց Պարսկաստանը, և վճռվեց պարսկահայկական հարցը. այսինքն՝ պարսկահայկական նահանգներն անցան Ռուսաստանին, և ապահովվեց հայ ժողովրդի գոյության խնդիրը» /ՀԹ, 438/:

գ/ Ընդհանուր ենթականով բարդ համադասական նախադասության

ստորոգելիներին. «Աշխարհն ինձ համար փոքրիկ պուրակ էր, Փոքրիկ մի բակ էր, փոքրիկ մի դեզ» /ՀՍՔ, 19/: «Մի՞թե վերջին պոետն եմ ես, Վերջին երգիչն իմ երկրի» /ՎՏ, 289/:

դ/ Անվանական անդեմ միակազմ բարդ համադասական նախադասության գերադաս անդամներին. *ինչպես՝ «Հայելում փակցված քարտի վրա գրված էր անունը՝ Թեոդոր Բադալ: Հանելի անուն, հանելի երիտասարդ»* /ՎՍ, 22/:

ե/ Ձևական դիմավոր միակազմ բարդ համադասական նախադասության գերադաս անդամների անվանական բաղադրիչներին կամ ստորոգելիներին. *ինչպես՝ «Ձորս կողմը սարեր են ծալ-ծալ, եվ ծալ-ծալ ձորեր են այստեղ ...»* /ՀՍՔ, 42/: «Սև գերան է, սև պատ, Սև լուսամուտ, սև շուք, Տվայտում է դրսում Գիշերվա խուկ մի բուք» /ՎԴ, 19/:

զ/ Բայական անդամի խնդիր լրացումներին, մասնավորապես ուղիղ խնդիրներին՝ *թե՛ պարզ /այս դեպքում խնդիրները լինում են բազմակի/ և թե՛ բարդ համադասական նախադասության մեջ. օրինակ՝ «Հիմա Վաղոն նոր օջախ, նոր ծուխ ունի»* /ՄԳ, 130/: «Ջարմանալի հատկություններ ունի Արաքս... զարմանալի բնավորություն ունեն և նրա խորհրդավոր շրջակայքը» /Բ, 505/: *Իսկ հետևյալ օրինակում ածական որոշիչն իր կրկնյալ և կրկնորդ ձևերով լրացնում է համադասական նախադասության բաղադրիչների միջոցի խնդիրներին. «Գարշ իրավունքով բռնաբարում են և գարշ օրենքով լվում ու մորթում»* /ԱԻ, 2, 68/:

Մի առանձին խումբ են կազմում այն նախադասությունները, որոնցում կրկնվող ածական որոշիչների որոշյալներն անհամասեռ են իրենց շարահյուսական կիրառության: Միևնույն բառով արտահայտված որոշիչները լրացնում են մասնավորապես հետևյալ անհամասեռ անդամներին.

ա/ Ենթակային և ուղիղ խնդիրին. *ինչպես՝ «Մի սև աղջիկ արևին իր սև մազերը ցրել է, Լաց է լինում ծիծաղով՝ Վարդ կոչիկն է կորցրել»* /ՎԴ, 180/: «Հայոց զորքը ետ էր բերել հայոց հողն ու հայոց հացը» /ԽԴ, 354/: *Այստեղ կրկնորդ որոշիչը կարող է լինել նաև տվյալ որակական ածականի կրկնավոր ձևը. «Բայց դու երկնքի կարիք չունեիր, Քեզ լոկ մի կապույտ թաշկինակ էր պետք իմ կապույտ-կապույտ արտասուքները սրբելու համար»* /ՀՍՍ, 72/:

բ/ Ենթակային և հանգման խնդիրին. *ինչպես՝ «Նա զգում էր, որ այսուհետև փոխադարձ սառնությունը պիտի փոխվի փոխադարձ ատելության»* /ԱՇ, 159/:

գ/ Ենթակային և տեղի պարագային. *ինչպես՝ «Ճանապարհը՝ կապույտ ոլորվում էր առաջ... Ու կորչում էր հեռու երկնքի մեջ կապույտ»* /ԵԶԳ, 266/:

դ/ Ենթակային, միջոցի խնդիրին և տեղի պարագային. «Քանի՞ ժողովուրդ Վանա լիճ ունի,- օտար գրքերում և օտար լեզվով օտար մարդիկ են այս հարցը տալիս...» /ՊՍ, 206/:

ե/ Ենթակային, ուղիղ և ցերեպործող խնդիրներին. *ինչպես՝ «Է՛, ե՞րբ էր, էլի՛ գարուն, այսպիսի կապույտ ու փափուկ մի առավոտ կար, կապույտ աշխարհ, Մարութա սարը կապույտ քողն իր դեմքին, ձորերն ու կիրճերը կապույտ երկնքով լցված, ծերպերին ու ձորաբերաններին թառած գյուղերի շունչը կապույտ էր, սանձը կտրած Տալվորիկի հեքից ձորը լցված կապույտը քլթքլթում էր...»* /ՄԳ, 167/:

զ/ Ստորոգելիին և շահի խնդիրին. «Սիրուն անուն է սիրուն ձիու

Համար...»:/ՎՍ, 221/:

է/Ստորագելիին և տեղի պարագային. օրինակ՝ «Հեհհհ էր նա, Լեզուն Հանած էր, Խոնավ աչքերում Խոնավ մի Հարց էր...»/ՎԴ, 29/:

ը/Հիմունքի պարագային և սահմանափակման խնդրին. ինչպես՝ «Մի անգամ. նա պաշտոնական թույլտվությամբ և պաշտոնական գործով մտավ կանանց գոտին՝ ստուգելու Համար պետական աղյալների որպիսությունը» /ԳՄ, 31/ և այլն:

2) Թվականով: Ընդ որում՝ կրկնվող թվական որոշիչն ավելի հաճախ ունենում է Համասեռ որոշյալներ՝ Հանձին պարզ նախադասության մեջ բազմակի ենթակաների և բարդ Համադասական նախադասության բաղադրիչ նախադասությունների ենթակաների. «Երեք ճաճանչ, երեք երանգ, երեք գույն... Քույր կապել են քո աչքերում, իմ հոգում-Ծիածան» /ԵԶՊ, 254/:

«Քառասունհինգ-հիսուն աչք ոլորվեց խութեցի հարսի վրա, քառասունհինգ-հիսուն ձեռք մեկնվեց ծվծված փեշը» /ՄԳ, 51/:

Կրկնվող թվական որոշչի կրկնյալ և կրկնորդ ձևերը լինում են նաև անհամասեռ: Այսպես՝ դիտարկենք Հետևյալ նախադասությունը. «Էն դու՞ չասիր՝ գրնամ Սասուն, կանայք բերեմ քառսուն-քառսուն, Քառսուն բեռնով ոսկի Հանեմ, Հայոց երկիր ավեր անեմ» /ՀԹ, 231/:

Այստեղ ընդգծված թվական որոշիչների անհամասեռությունը բազմատարր է. նախ՝ դրանց միջև առկա է ներխուժմասային տարարժեքությունը. առաջին որոշիչը բաշխական թվական է և, որպես թվականի մեկ այլ ձևից սերած կաղապար, կրկնորդ որոշիչն է, իսկ երկրորդը քանակական թվական է և, որպես առաջինի կազմության համար երկեռային ձև, կրկնյալ որոշիչն է: Երկրորդ՝ քառսուն-քառսուն-ը ինքնուրույն որոշիչ է /կանայք ուղիղ խնդրի/, իսկ քառսուն-ը ընդամենը բաղադրյալ որոշչի /քառսուն բեռնով/ մի բաղադրիչն է:

3) Դերանուններով: Կրկնված դերանուն որոշիչները լրացնում են՝

ա/բազմակի ենթականերին և ժամանակի պարագային: Այսպիսին է վերը գրված օրինակներից մեկը. «Հիմա ելնում են ահա իմ դեմ Այն տարիները, արդեն անցած, եվ այն դեմքերը, որ հրեղեն Տարիներում այն հերոսացան...» /ԵԶՊ, 157/:

բ/ Որոշիչ և բացահայտիչ լրացումներին. «Հարկ չկա երկար պատմելու Այդ բանվոր խոխի՝ այդ Իվանի մասին...» /ԵԶՊ, 193/:

գ/ Ուղիղ խնդիրներին և տեղի պարագաներին. օրինակ՝ «Եվ մի՞թե, մի՞թե, մի՞թե չերգե՞ց եվ չողջունե՞ց իմ սիրտը խնդուն Այն առավոտը - այն խոր մթնում, Խոր խավարո՞ւմ այն- արևն այն կեզ» /ԵԶՊ, 158/:

դ/ Տեղի պարագաներին և միջոցի խնդրին. օրինակ՝ «Կուգեի նստել նույն թանձրաթիկունք Ցանկապատի մոտ, Նույն թանձրաթաղանթ ընկուզենու տակ եվ նույն աչքածակ աչքերով տեսնել Արցունքոտ ծիծաղն առավոտների, Մայրամուտների թախիծն արևոտ» /ՀՍՍ, 218/ և այլն:

Ավելացնենք, որ երբեմն որոշիչ + որոշյալ կապակցության կրկնությունը կազմում է տարբեր ենթականերով բարդ Համադասական նախադասություն՝ ամեն անգամ ցույց տալով տարբեր առարկա իր տվյալ հատկանիշով: Սա որոշչի ու իր լրացյալ ենթակայի քերականական Համանունություն արտահայտություններից մեկն է. օրինակ՝ «Զմռան այդ օրը աշխարհում միլիոն ու մեկ մարդ Հյուրընկալ է, միլիոն ու մեկ ճաշի հրավեր ունի /միլիոն ու մեկերորդը՝ ինքը Կոմիտասը/, միլիոն ու մեկ մարդ Համերգի ու թատրոնի տոմս է գնել, միլիոն ու մեկ

մարդ աշխատում է, միլիոն ու մեկ մարդ մտածում, գլուխ է ջարդում, միլիոն ու մեկ մարդ մեռնում է, միլիոն ու մեկ մարդ ծնվում է...» /ՄԳ, 434/:

Չափածո խոսքում կրկնվող որոշիչը հաճախ դառնում է ասույթի իմաստի և հուզարտահայտչական լարվածության կրողը, նպաստում է խոսքի կշռույթային ու չափական ներդաշնակության ապահովմանը: Այս պարագայում որոշիչ կրկնությունը դառնում է արտահայտչամիջոց, կրկնաբերական արվեստի արտահայտություն՝ կազմերով հարակրկնություն, վերջույթ, հանգույց և այլ բանադարձումներ: Որոշիչը հարակրկնություն է կազմում բանատողերի սկզբում կրկնվելով.

Ուրիշ ամպեր են նայել սարերին,
Ուրիշ մամուռ է ծաղկել քարերին,
Ուրիշ աչքեր են նայում արևին /ՀՍ, 114/:

Նույն ձևով որոշիչը տողավերջյա ներդաշնակ կրկնությամբ կազմում է վերջույթ.

Ես չբացառ ոչ մեկին
Երազներից իմ շքեղ,
Եվ ոչ մի մարդ, ոչ մի կին,
Հերոսներից իմ շքեղ /ՀԹ, 56/:

Այստեղ քանի որ շքեղ որոշիչի հետ կրկնվել է նաև իմ հատկացուցիչը, ուստի վերջույթ է հատկացուցիչ + որոշիչ կապակցությունը /իմ շքեղ/:

Հանգույցը չափածո խոսքի կառուցման հնարան է, այն բանադարձումը, երբ միևնույն կառույցում համատեղում են հարակրկնությունը և վերջույթը, որոնց գործառույթով հանդես են գալիս նախադասության տարբեր անդամներ: Ավելի հաճախ հանգույց է կազմվում որոշիչի հարակրկնությամբ և ստորոգյալի վերջույթային կրկնությամբ.

Հազար ու մի գիրք կարդացի - խելացի դիրք չտեսա,
Հազար կնկա գիրկն ընկա - սիրեկան գիրկ չտեսա» /ԵԶ, 235/:

Նմանապես որոշիչը հանգույց է կազմում տեղի պարագայի կամ տեղի պարագայի ու ստորոգյալի հետ.

Երկու դարի արանքում,
Երկու քարի արանքում
Հոգնել եմ նոր ընկերի
Ու հին դարի արանքում /ՀԹ, 64/:

Կամ՝

Էն խոստումը ու ր մնաց,
Էն շշուռը ու ր մնաց,
Սիրո քարափ, իմ քարափ,
Էն նախշունը ու ր մնաց» /ԳԱ, 13/:

Այսպիսով, որոշիչի կրկնությունն արդի հայերենում հաճախադեպ է, արտահայտվում է տարբեր իրացումներով և ունի ոճական նշանակություն:

Համառոտագրություններ

- ԱԻ - Ավ. Խաչատրյան, Երկերի ժողովածու, հ. 2, Ե., 1974, հ. 3, Ե., 1975:
 ԱՇ - Ալ. Շիրվանզադե, Քառու, Ե., 1976:
 ԳԱ - Գուսան Աշոտ, Ծովաստղիկա, Ե., 1982:
 ԳՄ - Գ. Մազարի, Ծաղկած փշալարեր, Ե., 1988:
 ԵԶ - Ե. Չարենց, Երկերի ժողովածու, հ. 1, Ե., 1962:
 ԵԶՊ - Ե. Չարենց, Պոեմներ, Բանաստեղծություններ, Ե., 1984:
 ՀԹ - Հովհ. Թումանյան, Ընտիր երկեր, Ե., 1978:
 ՀՄ - Հր. Մաթևոսյան, Օգոստոս, Ե., 1984:
 ՀՇ - Հովհ. Շիրազ, Քնար Հայաստանի, հ. 3, Ե., 1974:
 ՀՍ - Հ. Սահյան, Երկերի ժողովածու, հ. 1, Ե., 1984, հ. 2, Ե., 1985:
 ՀՍՍ - Հ. Սահյան, Սեղամ բացվիր, Ե., 1976:
 ՀՍՔ - Հ. Սահյան, Քարափների երգը, Ե., 1988:
 ՄԳ - Մ. Գալստյան, Չորի Միրոն, Ե., 1983:
 ՆԴ - Նար-Դոս, Երկեր, Ե., 1977:
 ՊՍ - Պ. Սևակ, Երկերի ժողովածու, հ. 4, Ե., 1972:
 ՌԴ - Ռազմիկ Դավոյան, Պղնձե վարդը, Ե., 1983:
 ՎԴ - Վ. Դավթյան, Անկեղ մորենի, Ե., 1972:
 ՎԹ - Վ. Թովթյան, Կյանքը Հին Հռոմեական ճանապարհի վրա, Ե., 1986:
 ՎՍ - Վ. Սարգսյան, Ընտիր երկեր, հ. 1, Ե., 1986:
 ՎՏ - Վ. Տերյան, Բանաստեղծություններ, Ե., 1985:
 Բ - Բաֆֆի, Սամվել, Երկերի ժողովածու, հ. 7, Ե., 1956:

ПОВТОРЕНИЕ ОПРЕДЕЛЕНИЯ В СОВРЕМЕННОМ
 АРМЯНСКОМ ЯЗЫКЕ

А.С.КАРАПЕТЯН

Р е з ю м е

Определения часто повторяются, дополняя одни и те же или другие члены предложения. В обоих случаях повтор определения выявляет совершенно разные особенности, которые обуславливаются его выражением, условием и требованием контекста. Повтор определения имеет также стилистическое значение, в особенности, когда он используется в поэтической речи в качестве выразительного средства, составляя анафору, концовку, симплоку и т. д.